

187
L E

N^o. 24.

M I R O I R

A

DEVX-VISAGES

OPPOSEZ,

L'VN LOVANT LE MINISTERE
du fidele Ministre, l'autre condamnant la
conduite du meschant & infidele vsur-
pateur, & ennemy du Prince
& de son Estat.

Roy. B. XXVII. N^o. 7—

M. DC. XLIV.



LE
MIROIR
A
DEVX VISAGES
OPPOSEZ,

L'un loüant le Ministère du fidele
Ministre, l'autre condamnant la
conduite du meschant & infidele
vsurpateur, & ennemy du Prince,
& de son Estat.



'Est vne maxime trop connue entre les
Philosophes, que plus deux contraires
sont opposez, & dauantage ils paroissent,
ainsi le blanc approuché du noir, fait con-
noistre la force de sa candeur, & le noir
le degoust de son opacité: C'est le même
de la vertu & du vice diametralemēt contraire; la ver-

tu qui fait iuger de son prix, & de sa beauté à l'aspect du vice son antagoniste, decouure son esmail, & espannoit en fleur de beauté, plus la laideur du vice luy est presente.

C'est le mesme du Ministère des Ministres des Princes, bien differens & contraires, puis que les vns sont chargez de loüâges publiques, les autres couuerts d'ineffectiues & d'imprecations, comme victimes d'execration denoncees à la disgrâce des peuples qui ressentent le contrecoup.

Pour les preuues, ce n'est pas chose nouuelle qu'il se trouue dans les Conseils des Roys & des Princes des hommes tellement accôpagnez de belles parties, qu'ils sont iugez dignes d'estre appelez aux charges plus éminentes de leurs Estats, puis qu'ils sont capables de les exereer, & d'en auoir la conduite: aussi leur sont-elles legitimement octroyées par la liberalité Royale, en reconnoissance de leurs merites & affection à leurs seruices. Tels ont esté les Hephestions & Craterus aupres d'Alexandre le Grand, les Agrippes & les Mecenas à la Cour d'Auguste, ou Philippes de Comines dans les Cōseils du Roy Louis XI. Le sieur Descures près le ieune Prince Charles, depuis Empereur & Roy d'Espagne.

Chacun sçait que les deux premiers estoient les plus fideles Conseillers d'Alexandre: mais comme ce grand Prince auoit excellé en generosité & grandeur de courage au delà des autres, aussi ne s'en trouua-il point de plus ambitieux, à cause de ce il s'estoit laissé aller à des vanitez, non seulement plus extrauagantes: mais plus pueriles & arides.

Il s'imaginoit qu'il estoit fils de Iupiter, & que Philippes n'estoit que son pere putatif, & vouloit que tout le monde le creust ainsi, & apres auoir faict ses grandes & admirables conquestes, & subiugué tant de Nations en si peu de temps, il commença tellement à se mesconnoistre, & à se laisser emporter par certains malheureux flateurs, qu'il fit tout ce qu'il peut pour obliger & freer ses subiects de luy rendre des honneurs extraordinaires

5
dinaires , & contraires à leur inclination , dont ils se deffendirent autant qu'il leur fut possible: mais il en cousta la vie au Philosophe Calisthene , sous vn autre pretexte.

Il est sans doute qu'en toutes ces entrefaites Hephestion & Craterus se trouuerent bien empeschez , & fallut qu'ils s'accommodassent aucunement, & sans volonté , à ce qu'il vouloit: car s'ils en eussent autrement vsé ils se fussent perdus, puis que ceste maladie estoit sans remede , toutefois il ne se lit point qu'ils eussent esté auteurs au Conseil de ces flatteries, ny qu'ils s'y fussent engagez plus auât, ce qui n'auroit esté oublié par ceux qui en ont escrit: au contraire l'Histoire descharge tous les Macedoniens , & blasme certains Grecs qui eleuoient ce Prince au delà des Cieux. Mais pour Hephestion la mesme Histoire remarque expressement, que nul autre que luy ne se donnoit la liberté d'admonester ce Prince aux occasiōs: En quoy sa cōduicte estoit telle , qu'il sembloit bien que tout ce qu'il en faisoit estoit plustost par la permission de son Prince que par entreprise & par autorité: aussi Alexandre auoit tant d'amour pour luy, que s'il eust esté dix ans absent, il n'eust durant ce temps traité d'aucune affaire avec qui que ce fust, tant il faisoit estime de sa fidelité, aussi vouloit-il qu'il fust tousiours gardien de son cachet plus secret; Il estoit comme le sacré depositaire de sa pensée , qu'il confioit toute en la prudence de ce sien Ministre & Conseiller. Il n'eut pas escrit vne lettre de telle consequence fust-elle, qu'il ne luy en eust déclaré le secret: aussi le voyant mort , il en eut vn tel ressentiment de douleur , qu'il fit tendre tous ses cheuaux & mulets, fit ruiner & abbatre tous les plus hauts edifices des villes , commanda que son Medecin pour ne luy auoir sauué la vie fust crucifié; deffendit que par vn lōg temps il ne fust ouïy dans ses armées aucun son de trompette ny de tambours , comme aussi tant de concerts de voix & d'instrumens de musique en ses Palais, & employa dix mille talents en ses obseques.

Pour ce qui est d'Agrippa & de Meccnas, ils ont vescu avec Auguste en fort grande amitié , & encore que ce Prince fust vn des plus accomplis & des mieux sensez qui ayent

iamais porté sceptre si est-ce qu'il s'est souuent trouué bien de la liberté & de la franchise de ces deux Conseillers : comme il recogneut luy mesme apres leur mort, se plaignant de n'auoir plus personne qui l'aduertist & luy remontrast librement aux occasions comme ils faisoient. C'est ce qu'en escriit Seneque au lieu 6. des bien-faits, où il parle du besoin que les Princes ont au milieu de leurs plus grandes prosperitez, d'une personne qui leur dise la verité. Il rapporte les parolles d'Auguste, lequel ayant relegué sa fille Liuia apres auoir eu aduis de sa vie peu honeste & honteuse & recognoissant la faute qu'il auoit faite d'auoir luy mesme publié vn mal domestique, qu'il deuoit plustost enseuelir dans la maison, s'escria, *Que rien de tout cela ne fust arriué, si Agrippa ou Mecenas eut encores vescu.* Surquoy Seneque donnant son iugement, ne craint point de dire, *Que pour cela il ne faut point croire qu'Agrippa ny Mecenas n'eussent accoustumé de luy dire la verité : mais que l'humour des Princes est telle de blasmer les choses presentes, & louer celles qui sont passées.* L'Histoire nous apprend avec quelle liberté Agrippa conseilla à Auguste de quitter l'Empire, & rendre la pleine liberté à la Republique; & comme Mecenas le reprenoit courageusement, lors mesme qu'il le voyoit le plus porté à faire quelque art indigne de luy, tel que le bannissement de sa fille, dont l'Histoire nous dōne vn exemple notable. Elle raconte que ce grand Prince estant vn iour en son lié de Iustice, & sur le poinct de faire prononcer vn Arrest de mort contre plusieurs personnes, Mecenas considerant certe action assez souere, & ne pouuant approcher de luy, à cause de la foule du peuple, il fut contraint d'escrire ces trois mots dans vn morceau de papier adressez à Auguste, & ietter dans son sein, *Leue toy bourreau,* & que les ayant leus se leua à l'instant, & quitta le trosne de Iustice,

L'Histoire de France nous sert icy de l'exemple d'une fidelité insigne d'un Ministre ou Conseiller du Prince en la personne de Philippes de Comines sieur d'Argentré appelé aux plus grandes affaires du Royaume, sous les Rois Louis XI. & Charles VIII. Cét excellent Ministre estoit si Religieux à bien & fidelement seruir son Prince &

L'Estat, qu'il eust mieux aymé mourir que d'estre noté d'aucune marque de lascheté, ny de dissimulation aux affaires auxquelles il estoit employé, & eust estimé estre crime de deguïser au Prince les choses autrement qu'elles n'estoient, & n'eut creu n'estre moins coupable de luy donner des bons & necessaires Conseils, que de l'offenser en sa personne, aux negociations qu'il entreprenoit avec les Princes & Estats Estrangers, pour les affaires du Roy son Maistre, il disoit son aduis sur l'euénement qu'il en falloit attendre, sans flatterie ny deguïsement, ne voulant rien relâcher de ce qui regardoit l'honneur du Roy, le bien de son seruice, & la reputatiō de ses armes: non plus qu'aux Conseils où il estoit appelé, lors principalement qu'il y alloit d'entreprendre quelque guerre, en laquelle l'argent qui en est le nerf est necessaire, si la necessité vouloit que les leuées s'en fissent sur le peuple. Il estoit d'aduis que les affaires vrgentes le permettant, on leueroit vne certaine somme limitée, sans autre surcharge, laquelle le Roy mesme ne pouuoit imposer sans oïroy des trois Estats, ainsi ce grand Ministre, mais amateur de la reputation de son Maistre, traualloit dauantage à entretenir l'amour du Roy avec ses peuples, que de les luy rendre mal affectionnez par des surcharges extraordinaires.

Sous le commencement du regne de Charles Empereur & Roy d'Espagne, & durant qu'il demeura en flâdre, il eut pour Ministre, & tres-fidelle Conseiller le sieur de Cheuret, extrait d'une Noble famille de Gand, & à cause de ce, le Roy Charles qui auoit aussi pris naissance à Gand, le prit en affection, & estant encores Ministre le voulut auoir tousiours près de luy, pour disposer, tant des affaires qui regardoient sa personne, & sa Maison, que celles de ses Royaumes & Estats. Sa conduite en son Ministère fut telle, qu'au lieu que les autres Ministres veulent estre seuls au Gouuernement, sans souffrir des compagnons, le sieur de Cheuret au contraire employoit son credit à faire obeyr ceux que le Roy employoit aux affaires, tant en Espagne qu'ailleurs, & qu'ils y fussent maintenus, estimant que le seruice du Roy y seroit mieux entretenu, que quand il

change de Gouverneur & de Ministre: son humeur pleine de candeur, avec laquelle il traitoit, ne fut pas pourtant sans donner ny courir, vn iour il sceut que le Docteur Adrian Lorent Doyen de Louvain Precepteur du Roy Charles, fut par luy-enuoyé Ambassadeur en Espagne, sa charge estant en apparence pour les affaires du Gouvernement; mais plustost pour nuire au sieur de Cheuret, & mesnager sa disgrâce enuers la Reyne Ieanne sa Mere, & l'Infant Ferdinand son Frere, qui ayant sceu ceste resolution, quoy qu'il eut raison d'en conceuoir vne grande iniustice contre le Docteur Adrian, il supporta neantmoins ce mauuais office sans aucun ressentiment, qui fut toutefois sans effet.

Vne autrefois comme les Espagnols estoient resolu d'auoir leur Roy Charles avec eux estât lassez du Gouvernement du Cardinal Ximene, crioient hautement qu'ils se reuolteroient, ce que sçachant le sieur Cheuret craignant le peril de voir l'Espagne pleine de reuoltes & de seditions contre le Cardinal, conseilla au Roy Charles d'enuoyer en Espagne vn troisieme Gouverneur, & selon son conseil fut expedie le Seigneur de Lauars, auquel on donna le troisieme lieu en l'administration des affaires avec le Cardinal Ximene & le Docteur Adrian qui fut depuis Cardinal.

Tous les Grands d'Espagne ayant pris resolution de ne plus obeyr au Cardinal Ximene, qui estoit comme vn Roy en l'absence du Roy, qui craignant que l'Infant D. Ferdinand par le conseil de ceux qui estoient aupres de luy, alast en Arragon pour se faire Roy, ce qui eut esté à cause de l'amitié que les Arragonois luy portoient, le Cardinal creut en cecy faire vn grand seruice au Roy Charles de renouueller la maison de l'Infant & d'oster de sa maison tous ceux qui luy auoient donné vn tel conseil, dont l'Infant fut fort indigné, & yfant de menaces protesta qu'il se vengeroit du tort qu'on luy faisoit. Le Cardinal le manda en Flandre, d'où le sieur de Cheuret luy fit auoir response à son contentement, & blasma, disant que s'il auoit peur reuenant de l'Infant que cela feroit croire qu'il n'auoit pas assez d'autorité en Espagne où il representoit la person-

ne du Roy, sur l'autorité duquel il se deuoit asseurer sans se soucier de ce que les Flamands disoient de luy.

Par l'entremise de la faueur du sieur de Cheurest, le Grands Seigneurs de Flandre furent admis aux premieres charges tant du Pays-bas que d'Espagne. Le Roy faisant estat de ce grand homme de bien, si fort attaché aux interests qui regardoient son seruice & le bien de ses affaires, qu'il ne faisoit aucune chose d'importance sans son conseil. L'esclat de ses faueurs Royales ne le rendoient point plus superbe ny inaccessible: au contraire il se plaisoit à faire recompenser les hommes qu'il sçauoit estre necessaires aux affaires & desquels le Roy se pouuoit vtilement seruir, & sçeut ainsi se gouverner avec tant de prudence & de gloire l'espace de trente quatre ans à la Cour du Roy tant en Flandre qu'en Espagne, que nul n'auoit subiet de se plaindre de luy, ny d'enuier son grand credit, puis qu'il l'employoit à faire toute l'obeyssance au Roy, à faire du bien à ceux qui auoient bien seruy, & à oster des charges à ceux qui en auoient mal vû & qui s'en estoient rendus indignes.

Voila le premier visage de vostre Miroir qui regarde les hommes qui ont toutes les parties du Ministres Conseil-ler du Prince tres-accomplis, & qui sont dignes d'estre appellés aux charges plus honorables de l'Estat.

Ce premier visage ne regarde point le Cardinal Iules Mazarin: car il n'a iamais imité Ephestion en la grande franchise qu'il auoit à ne point trahir son Prince en luy deguisant la chose qu'il luy falloit faire entendre pour bien regner, au contraire il ne fut pas plustost admis dans les affaires, qu'abusant de la bonté de la Reyne Regente, il luy dissimuloit toute les veritez qui deuoient luy estre declares pour le bien de l'Estat, & ce pour commencer à se rendre absolu & independant au maniment des plus grands affaires, il fit chasser d'aupres la personne du Roy ceux que la Reyne y auoit appellez pour y en mettre d'autres à sa deuotiõ.

Non plus s'est il miré sur Agrippa & Mecenas, qui ay-

moient mieux perdre la faueur & le credit qu'ils auoient aupres d'Auguste, que la liberté de luy dōner des conseils tres-vtils aux occasions qu'ils iugeoient estre necessaires, & l'empescher de faire aucune action qui fust accōpagnée de rigueur ou de violence : Iules Mazarin n'a point eu tant de retenue de ce qui eust esté en luy vn acte de prudence, lors que pour ses propres interets il porta la Reyne à permettre l'emprisonnement du Duc de Beaufort sur des accusations de crime imaginaire à fonder sur les deposicions de plusieurs faux tesmoins. La proscription de la Duchesse de Chẽureuse, de Madame de Hautefort & autres, l'essloignemẽt du President de Barillon hors de France par mort violente, comme aussi le President Gayen tous lesquels ont resenty les effets du naturel Italien Espagnolisé, qui est de frapper en trahison, & de vanger le moindre soupçon d'offense sans esperance d'eschapper.

C'est icy où ie veux faire cognoistre l'autre visage de ce Miroir, qui va monstrier & condamner tout ensemble, la cōduite du Ministère du Cardinal Mazarin. par celle de Seian de Stelico, Olympius & Iouius Ministre & Conseillers de Tybere & d'Honorius Empereurs.

Sejan, esprit violent & du tout conforme aux humeurs de Tybere, fut vn puissant instrument de sa tyrannie. Rome le vid monter au plus haut degré d'honneur & de puissance apres Tybere, dont il manioit l'esprit comme il vouloit : mais ce ne fut que pour seruir d'vn fameux spectacle & d'vn exemple fatal de la vanité de la Cour. Sa faute fut odieuse parce qu'elle prit son origine non de la vertu ny des seruices faicts au Prince ou à la Republique, mais de la violence de son esprit. Cependant il auoit toutes les parties d'vn homme qui aspire à la tyrannie : son esprit estoit hardy, & sçauoit couvrir ses desseins artificieux à dresser des Calomnies & des pieges, vain de son naturel, flatteur pour le bien de ses affaires, modeste en apparace & honteux à prendre de grandes charges, mais en effect desesperemẽt ambitieux, magnifique & honorable en sa des-

penſe pour charmer les cœurs; au reſte induſtrieux & vigilant, & doué des autres qualités requiſes pour voler vn ſceptre & rauer vn Eſtat. Il creut que la charge de Colonel des gardes pouuoit ſeruir à ce ſuperbe deſſein: C'eſt pourquoy il fiſt tout ce qu'il peut pour en augmenter la puiffance: à cet eſſect il rallira comme en vn corps d'armée toutes les Compagnies éparſes c'à & là par la ville, & les logea dans l'enceinte d'vn meſme Camp, tant afin qu'aux premieres occaſions elles peuſſent tout à la fois receuoir ſes commandemens: qu'ai ſſi afin qu'eſtant enſemble elles s'entréſſammaſſent le courage, & ſe monſtraſſent plus formidables par le nombre pour l'inſinuer dans l'eſprit des gens de guerre: il leur dōnoit des Centenieres & des Triunbâs de ſa main, auancoit les ſiens aux premiers charges de l'Empire, & leur faiſoit donner le gouuernement des Provinces. Tybere prit vne telle cōfiance en luy qu'il luy confia toute ſa fortune, & alors Seian ſe voyant aſſez puiffant pour ruiner ceux qui mettoient quelque ſorte d'obſtacle à la grandeur qu'ils'eſtoit proiettée, attaqua les enfant de Germanicus, accuſa l'Aiſné d'auoir attenté à l'Eſtat & d'auoir coniuéré contre le Prince.

Dans Rome il prenoit le ſoin de toutes les affaires, tant de la Ville que de l'Empire: Les gardes du Prince eſtoient à la deuotion des Senateurs, les vns luy deuoiſent leur auancement, il entretenoit les autres d'eſperance, il retenoit les autres par crainte, tant ceux que Tybere employoit eſtoient à luy, & luy ſeruoient d'eſpions aupres de luy, iuſques à luy communiquer toutes ſes lettres. C'eſt icy ce deuxieſme viſage de noſtre Miroir, qui fait connoiſtre la conduite du Miniſtere du Cardinal Mazarin par celle de Seian: Premièrement apres le deceds du deſſunêt Roy Louys XIII. d'heureuſe memoire, s'il y euſt homme qui ſceut abuſer de la bonté de la Reyne, ceſte Princeſſe non point inſtruiſte aux ruſes Italiennes, ny aux fourbes

d'une telle Nation, ne peut se garder qu'il ne maniaſt ſon eſprit comme il vouloit, le croyant tout autre qu'il eſtoit, & que c'eſtoit vn homme adroit, & capable de prendre le ſoin des plus grandes affaires qui ſe preſentoient durant ſa Regence, qu'ayant eſté donné au deffunct Roy par le Cardinal de Richelieu, il pouuoit comme inſtruiſt de ſa main, gouverner l'Eſtat & la deſcharger des ſoins qui accompagnent les affaires d'un ſi grand Eſtat. Sur ceſte creance, ſa Maieſté ſe cõſie en luy de tout ce qui concernoit les affaires, tant de la guerre que de la Paix. Ceſte grande faueur ne demeura pas ſans deuenir odieuſe, comme ne procedant de ſon origine obſcure, ny de ſa vertu, ny des ſeruices rendus à l'Eſtat, mais de la violence de ſon eſprit ambitieux de donner la Loy à tous ceux qui ſeruiroient le Roy, tant aupres de ſa perſonne, que dans les Conſeils, & aux affaires: S'il y eut homme ainſi aggrandy, qui aſpirait à la tyrannie, c'eſt luy, d'autant qu'il a monſtré en auoir toutes les parties, & pour ne paroître tel, il ſçait tres-bien courir ſes deſſeins artificieux, afin de perdre ceux qui luy nuient par des pièges & des moyens perfides, cõme il vouloit faire de quelques vns des plus innocentes teſtes du Parlement. Il n'a iamais ſouffert qu'aucun dõnaſt ombre ou ialouſie à ſa fraude dès le commencement de ſon inſtallation dans les affaires. Il fit éloigner d'aupres de la Reyne Monſieur l'Eueſque de Beauuais, Comte & Pair de France, l'un des plus ſages & vertueux Prelats de France, fit faire commandement à Monſieur des Noyers Secretaire d'Eſtat de ſe retirer, quoy qu'il ſceuſt le credit & la faueur qu'il auoit eu près le deffunct Cardinal de Richelieu ſon biẽ-facteur, à cauſe de quoy il le deuoit traicter avec plus d'honneur & de retenue qu'il n'a fait: mais il le fit pour mettre vn autre en ſa charge, qui dependiſt de ſes volontez. Au commencement il ſe rendoit difficile à prendre les grandes charges qui luy eſtoient offertes. Il en faiſoit le honteux:

mais

mais son ambition se descouurit bien-tost lors qu'il se fit donner la qualité de Surintendant du Gouvernement de la personne du Roy, afin qu'en ceste charge il logeast en la Maison de sa Maiesté, ayant sous luy des Soudgouverneurs à son choix, afin de veiller sur toutes les actions de leurs Maistrez, & de n'en permettre l'abord qu'à qui il luy plairoit : outre ceste haute qualité de Surintendant de la personne du Roy, il a induit la Reyne à prendre des siens pour ses premiers Secretaires & Intendants de sa Maison, afin de disposer de sa personne, comme il faict de celle du Roy: & dauantage, il ne s'est point contenté des grandes pensions qu'il tiroit des coffres du Roy mais a voulu auoir la disposition des meilleurs & plus riches Benefices de France par vn Conseil de conscience par luy estably, à dessein de sçauoir ceux qui vaqueront, d'en retenir les meilleurs, & d'en pouruoir les confidens, au l'eu de recompense, en sorte que nul ne peut aujourd'huy paruenir aux Dignitez Ecclesiastiques de France que par son moyen. Pour les affaires de la guerre, & les Officiers des armées, les Princes mesmes qui en sont les Generaux, sont comme obligez, ou pour dire contrains de prendre de sa main les Marefchaux de Camp-les Colonels, Mestres de Camp, & Capitaines pour commander aux troupes, & mettre des Gouverneurs aux places, tels qu'il luy plaist; comme il a fait voir aux villes d'Ypre, de Domquerques, sans vouloir laisser ceste liberté aux Princes du sang qui commandent les armées d'y en mettre comme ils le iugent estre à propos pour le bien du service du Roy, & connoissant plus que d'autres, leurs merites, leur courage, leur experience & fidelité.

Il est de la prudēce du Ministre de se garder d'estre auteur de quelque Conseil dont l'issuē soit hazardeuse: car arriuant que l'euēnement soit tel que l'on le peut souhaitter, il sera imputé au Prince, & s'il est autre, ce-

luy qui aura donné ce Conseil en sera accusé par les enuieus : C'est ce que l'Histoire remarque de Stilico, apres la mort duquel on blasmoit la Paix faicte de son aduis avec Alaric : ce qui fut cause que Olympius (qui auoit esté l'instrument duquel l'Empereur Honorius s'estoit seruy pour le desfaire de Stilico) se resolut de prendre Contrepied, & ayant lors tanté l'autorité sur les affaires, fit rompre la Paix, nonobstant plusieurs conditions raisonnables proposées par Alaric, engageant par ce moyen son Maistre en vne guerre, dont l'issue n'estant telle qu'il s'estoit promis, il fut aidé aux Eunuques qui estoient près de l'Empereur de l'accuser autheur de tous les maux desquels l'Estat estoit affligé, de façon qu'il fut contrainct d'abandonner la Cour, & s'enfuir en Dalmatie.

C'est pourquoy Iouius, qui succeda à la faueur de la puissance d'Olympius vers l'Empereur Honorius, encore qu'il desirast la continuation de la guerre contre Alaric afin de se rendre plus necessaire à son Maistre (ruse ordinaire de la pluspart de ceux de ce mestier) fit semblant de desirer la paix, & s'estant abbouché avec Alaric à Rimini, il enuoya à l'Empereur Honorius les articles qui auoient esté proposez de part & d'autre, & par vne lettre separee luy conseilloit de declarer Alaric General des ses armées, afin qu'addoucy par cet offre il retranchast quelque chose deses autres demandes, à quoy l'Empereur ayant respondu qu'il ne pouoit trouuer bon de donner ce commandement à Alaric ny à aucun des siens, laissant à Iouius de luy accorder la demande qu'il faisoit des pensions & des vsures pour les Gots ; ainsi qu'il aduiseroit pour le mieux. Iouius leut cette lettre deuant Alaric, lequel s'indigna tellement du peu de compte que l'Empereur faisoit de luy & de toute sa nation qu'il rompit le traité. Alaric s'en retourna vers l'Empereur sans auoir rien fait, lequel piqué aussi de son costé iura de ne point faire la

guerre avec Alaric, & fit faire semblable serment à tous les siens, entre lesquels Iouius se trouua le plus disposé, qui par ceste façon de proceder se deschargea de l'enueie de ceste rupture sur son Maistre, & sur Alaric, & obligea Alaric par la demande qu'il auoit faicte pour luy du commandement general des armées de l'Empire: & par ce moyen engagea son Maistre à continuer la guerre, laquelle le rendit plus necessaire, & affermit d'auantage son autorité, & sa faueur près de luy.

Quant à Stilico, on attribué sa mort, non seulement au dessein que l'on l'accusoit d'auoir de se saisir de l'Empire d'Orient, l'exécution duquel estoit encores fort esloignée: mais aussi à l'estroite intelligence qu'il auoit avec Alaric, avec lequel il auoit fait vne honteuse Paix pour l'Empereur contre l'aduis de tant de Conseil, & mesme de l'Empereur, qui dit lors que ce Traicté n'estoit pas vne Paix, mais vne paction de seruitude, l'Empereur s'obligeant de payer tribut aux Gots, sous le nom de pension.

Si le second Visage de nostre Miroir a fait connoistre la conduicte du Ministère du Cardinal Mazarin, sur celuy de Sejan, le mesme se representera sur celuy de Iouius & Olympius, & Stilico: il semble qu'il a imité Olympius, qui reietta la Paix faicte avec Alaric, avec des conditions auantageuses, engageant ainsi son Maistre en vne forte guerre: C'est ce qui s'est remarqué dans le Ministère du Cardinal Mazarin, qui ayant toute autorité sur les affaires a refusé la Paix il y a deux ans qui nous estoit offerte, avec des conditions fort auantageuses au Roy, & a voulu continuer la guerre qui s'est fait du depuis iusques à present, que la paix qui se pourra faire ne pourra estre si raisonnable ny honorable qu'elle eut esté: mais son dessein n'estant que de s'enrichir de la ruine de la France, ayant trouué vn homme tel qu'il vouloit, le sieur d'Hemery Surintendât des Finances pour tirer leur profit particulier tout l'argent

de leur costé, ils vouloient la guerre, pour sous ce pretexte, obliger le peuple d'en fournir la despense à l'entretenir & payer les armées. Malheureuse conuoitise d'auoir qui rend les plus estimez personnages esclaves de la tyrannie, car vous verrez des hommes tres-habiles & des plus aduisez, & qui d'ailleurs parroissent auoir quelque espee de deuotion & de vertu, qui toutefois ne sont point assez puissans pour resister à la tentation de l'argent où d'Honneur & se laissent prendre par là. C'est vn escueil ou ceux qui s'estoient sauuez des autres, font naufrage & se perdent ordinairement. Le Cardinal Mazarin sous le faux masque de pieté, establiant ses consorts de conscience cette congregation de Theatins, n'a pas laissé de faire eognoistre qu'il estoit possédé de cette passion malheureuse, au fuit de laquelle luy & ses adherans, ont si bien pris leur temps qu'il ny a rien qu'ils n'ayent fait pour les conuertir, ils ont tout fourragé tout brigandé & tout attrapé : & eust esté bien difficile de se garantir de telle pestes en France ou les desguisez sont assuietis à l'argent, sans la prudence du Parlement de Paris, lequel non sans peine, non sans menaces ny persecution, a facilement retranché cette effrontée licence de tout voler, de tout ruiner & de tout perdre, dont la loüange qu'il s'est acquise sera immortelle.

F I N.